

元和縣志卷之三十一

御製

考自古邑乘未有以

御製分門者漢高之幸沛唐元宗之幸魯幸陝不乏
篇章未能彙而成集我

聖祖仁皇帝法古時巡留題虎阜至今輝映巖谷

皇上繩其

祖武兩幸江南

玉輅所臨疇咨民瘼託之歌詩元和為駐蹕之地

元和縣志

卷三十一

御製

一

慈寧視饜之暇一吟一詠皆光風霽月之淵衷魚躍鳶

飛之化理其山林古蹟莫不籠以

睿藻琳瑯璀璨遠邁漢唐恭為編次垂示藝林觀天

地之光華仰羲娥之照耀焉臣工和什亦隨題

附載以媿卷阿矢音之盛云志

御製

賜禮部侍郎沈德潛歸愚詩集序

沈德潛將鏡其歸愚集前稽首而請序且曰入臣私
集自古無御序例第受特達之知敢恃寵以請不辭

望序或訓示數語可乎德潛老矣憐其晚達而受知者惟是詩余雖不欲以詩鳴然於詩也好之習之悅性情以寄之與德潛相商權者有年矣茲觀其集故樂俞所請而序之夫德潛之詩遠陶鑄乎李杜而近伯仲乎高王矣乃獨取義於昌黎歸愚之云者則所謂去華就實君子之道也夫子之訓小子曰何莫學夫詩使如後世雕龍祭獺之爲者聖人將斥而禁之顧反疏其源而導其流乎亦惟是名教之樂必有言之不足而長言之者舍是其何以哉昌黎因文見道

始有是語固不必執風骨體裁與李杜較甲乙而歸愚叟乃能深契於此識夷守約歛藻就澹於向日所爲壯浪渾涵峻嶒矯變人驚以爲莫及者自視若不足且有悔心焉是則李杜高王所未及言而有合於夫子教人學詩之義也夫非常之人然後有非常之過德潛受非常之知而其詩亦今世之非常者故以非常之例序之異日者江國行春靈巖駐蹕愚欲請問民艱暇咨新什將訪歸愚叟於愚公溪谷之間矣詩古文書總所夙嗜踐祚以來萬幾鮮暇雖時寄

興吟詠而古文不數數爲之是序構思柔翰至四
刻始就非復有曩日弓燥手柔之樂况能津逮古
人耶歸愚叟於近代詩家視青邱漁洋殆有過之
無不及者故樂爲之序不復計其工拙遲速書卷
以賜歲云暮矣封事少稀更償文債亦足爲藝林
增一勝事也乾隆辛未小除夜書於坤寧宮之東
閣

聖祖仁皇帝御製虎邱詩

秀壁名吳水懸蘿接紫霞仁風期大吏厚俗止紛華

元和縣志

卷三十一

御製

三

停輦輿情問開軒唼畝賒笙歌陳勿用意使盡桑麻
聖祖仁皇帝御製虎邱題句

試劍猶留石生公尚有臺愛看山後景錯落野田闌

聖祖仁皇帝御製憶蘇州風俗詩

鄧尉梅梢月虎邱浪裏峰人爭天地秀物雜理文宗
俗尚非交讓官箴乏協恭物情常如此何日受時雍

聖祖仁皇帝御製仰蘇樓詩

三天風雨百花催獨賞幽蘭倚檻裁俯瞰田間浮麥
浪真情足食卽春臺

聖祖仁皇帝御製虎邱詩

小阜廻岡落照紅長廊曲榭構西東獨憐劍石潺湲
水霸業消沉在此中

二

隨風畫檝到山塘水市陰籠草木香石不點頭誰說
法惟存澗響雜笙簧

皇上南巡御製詩

賜致仕侍郎沈德潛

水碧山明吳下春三年契闊喜相親玉皇案吏今烟

元和縣志

卷三十一

御製

四

客天子門生更故人別後詩裁經細檢當前民瘼聽
頻陳老來底越精神健劫外胎禽雪裏筠

恭和

御製原韻

沈德潛

歸來遊泳硯山春三載瞻

雲誼倍親

帝許林泉就閒客

臣

爲歌嘯太平人選言恐落元和

後前席難忘宣室陳老去敢云頽晚節寸心竊比

耐霜筠

二月光風浩蕩春省方萬象許相親已辭青瑱儕
哂叟重見黃衣識

聖人淮浦桃花靖波浪

臣迎
駕淮浦

天章雲錦疊鋪陳渾淪元氣難廣和中津應漸嶰谷

筠

駐蹕姑蘇

牙檣春日駐姑蘇為閩民風豈自娛艷舞新歌翻覺
開老扶幼挈喜相趨周諮歲計云秋有旋察官方道

元和縣志

卷三十一

御製

五

弊無入耳信疑還各半果能萬眾慶恬愉

恭和

御製駐蹕姑蘇元韻

沈德潛

省方萬類慶昭蘇老幼扶攜共宴娛未向吳山看
越絕先逢蕃庶驗吳趨清嘉里巷風誠憤充實倉
箱語恐無有待冀黃勤保赤可知

睿慮半憂愉

恭和

御製駐蹕姑蘇元韻

錢陳羣

碧城樓子見姑蘇

鳳船徐臨洽

聖娛山水清佳年穀順街衢笑樂吏民趨玉梅金柳
輕寒暖密雨踈烟乍有無見說比來風俗美春隨
布護倍欣愉

奉

皇太后遊虎邱卽景

閒登海湧峰雨洗綠鬟濃古蹟多留詠春郊盡力豐
雲樓既虛敞月牖且從容最引予心慕虞歌每每逢

元和縣志

卷三十一

御製

木

二

誰云金寶氣化作虎邱山漸覺巖壑潤雲東臨鎮市闔
巖姿浮刻削澗響瀉潺湲漫聽法猶存石生公舊往還

三

梅綻三分白麥抽千畝青飲泉思陸羽卓錫擬支硎
雲罨石常潤風和草亦馨智仁山水德樂壽頌

慈寧

恭和

御製奉

皇太后遊虎邱卽景

錢陳羣

巒岼別作峰雲氣淡逾濃霽景初投寺芳原正
農樓臺皆入畫竹樹各爲容要以娛

慈眷春長閩歲逢

二

塘平鴨頭水埕湧佛螺山花店羅千品書坊近一
闕繡經臺寂歷養鶴澗潺湲

行殿臨高處留看未擬還

三

元和縣志

卷三十一

御製

七

石布千人席巒堆九仞青梅應移鄧尉泉自壓支

例大士潮音靜

寺有應夢觀音石像

高壇栢子聲祈年還祝

嘏錫爾萬方寧

虎邱寺和東坡韻

曾聞沈恭子論詩虎邱嶺商周二千年逸事談井井
平原爲磨崖光怪龍蛇耿雙絕尋無蹤累句紛龜龜
汲古得蘇詩兼金固在礦硬語出橫盤有似魚腸猛
當年圖伯人志氣頗馳騁修爾埋瀕池囑子徒凄哽
不及槃郢氣化石彈指頃行春喜初地不礙東風冷

天水日與暢琴書興以永歸騎循蘭蹊江城入雨景
何當巖半閣坐弄新蟬影去留隨所適奚用山僧請

恭和

御製虎邱寺和東坡韻

沈德潛

平田突孤峰層疊見嵐嶺入寺方登山古蹟認陰
井魚腸破石飛光與清霜耿鳥雀不敢譁何況叫
鼃鼃清池通海源汨汨出古礦霸主志併吞戰伐
逞雄猛葬餘白虎踞精魄妄馳騁後來仙鬼吟倡
答語淒哽迄今溯前塵轉睫電光頃後山眺平遠

元和縣志

卷三十一

御製

八

一片蒼烟冷靄靄松杉合澹澹天水永崑虞山二兩
點青百里指烟景遙林晚鐘聲夕照歸鴉影心得
愴忘還山童向予請

恭和

御製虎邱寺和東坡韻

錢陳羣

茲邱雖不高亦自有峰嶺一凸湧平疇臨溪近閭
井野靄霏濛濛春陽照耿耿雁堵叢雲霄劍池絕
蛙鼃虎氣凝隱林金精自藏礦生公講處石薜質
化惇猛東風吹葆旂上界躡遙騁商周凡幾年恭

子語何啻闔閭城郭非伯業只俄頃寧知陸羽泉
汲飲尚甘冷緣涯一訪古吟興相與永壇高闡妙
香天暖對韶景具區渺無極平碧浸雲影月挂梅
花樓留觀奚用請

恭和

御製虎邱寺和東坡韻

彭啓豐

茲山亦名邱人寺不知嶺燦燦炳明霞沉沉汲深
井魚腸與湛盧劍氣光猶耿絕壁動龍蛇深池禁
鼉鼉勝地鑿雲梯如金初出礦生公峙講臺頑石

光緒縣志

卷三十一

御製

九

化孳猛上方掛寶幡下界騰遙騁人語可中亭斷
魂聲咽哽臨風弔闔廬雲烟換俄頃踏磴未紆迴
汲泉尚甘冷霽景乍暄妍吟情倍陶永玉局標舊
題

瑤篇繪新景鐵花秀巖深梅梢和月影閣道耀璇宮
從官奉朝請

宴準噶爾夷使

渠搜入貢僮巡方後隊隨行許觀光麾去招來遵我
約瓊裘帕額適其常三巡湛露申歡豫二月東風正

艷陽深戒誇奢纏錦樹盈寧畧足示來王

恭和

御製宴準噶爾夷使元韻

沈德潛

六龍南服正巡方卽叙西戎仰

帝光懸結陪臣脩覲禮鴻臚大典肅朝常載烈
歡蠻語花柳垂筵際仲陽看徧吳民輸愛戴歸途
傳諭白狼王

海湧一峰

一峰突起青螺堆萬古巖秀臨蘇臺詎數層巒及疊

元和縣志

卷三十一

御製

嶂饒看野竹兼疎梅石泉鶴澗瀉水雪亮宮琳宇樓
崔巍晴空照影入滄海宛似湧出西蓬萊是宜仙人
所託憇而我登臨實快哉

舟發姑蘇

蘭鷁發胥江風平五兩箋霽天留曉月麥剡入篷簾
行閱溪山畫真稱文物邦具區空闊裏湧出洞庭雙

恭和

御製舟發姑蘇元韻

錢陳羣

曉色展平江牙檣正曳纜緜緜林桂月港湛水明

一
雙雙
廳官路連鄉路吳邦又越邦掠艇多鷺羽雪點每

寶帶橋

匪伊垂之玉有條而湖春水綠如澆印公強取蘇公
物飛作吳中第一橋

田家春興

湖山豈不美最喜見田家過雨修春耒臨溪轉水車
東阡芄綠毯西陌簇黃花攬結真娛意端勝玩物華

二

元和縣志

卷三十一

御製

七

城市厭笙歌農謳愜聽多三時務畊織六畜富雞鶩
高廩村場積新筭父老醅今年春雨足卜稔望晴和
姑蘇覽古雜興

秦伯開基後原爲禮讓鄉誰知闔廬代乃作互爭場
熊應心殊毒鴟夷志不忘一螺竟安在烟水浩茫茫

二

孫堅真有子江左獨稱雄鼎立曹劉際瓜分山海中
魯周司內外襟帶控西東風與吳人便無妨臺起銅

三

司徒構別墅捨作化人園想像林泉概依稀松菊存
石經開士悟屐帶謝公痕柴郢秦王索荒唐說虎蹲

四

是地稱良守風流白樂天鑿渠敦實政攬景富嘉篇
已覺山塘好重教霓舞傳木蘭堂賦古翹望屬前賢

五

五賢祠畔過應物韋果清真劉禹白居稱同調蘇軾

王禹繼後塵江山真助秀烟月鎮從新即景求佳句

張家更絕倫

元和縣志

卷三十一

御製

三

六

綺角猶存里尊鱸亦有亭故山思遞世上國重敷庭
平水常浮白奇峰不斷青誰為高士傳於此取儀型

七

近代工詩畫倪唐亦可稱林猶師子昔坊是解元曾

最愛靈巖秀真宜烟客登沈德潛卜居靈巖山下故詩及之江河流

不廢我許是人能

恭和

御製姑蘇覽古雜興元韻

沈德潛

子札延陵去終身遠故鄉如何禮讓俗忽作鬪爭
場篡國身能蹈稱雄志不忘梧宮凋落後香草恨
茫茫

二

孫堅真有子兵到避英雄志銳渡江日身輕射獵
中有謀迎漢帝遺命霸江東墓道今難問三泉在
下銅 墓在盤門外
宋代被發

三

絕艷鶯花地曾為短簿園石頑頭不點鶴化彌空

永興縣志

卷三十一

御製

三

存雲際飄旛影暮邊印屐痕舊聞狂夢晉石上舞

躑躅

明代張靈字夢晉衣朱衣
於千人石上作天魔舞

四

屈指蘇州守韋郎白樂天姓名今古重不獨為詩
篇簡淡治能久風流政可傳後來五馬客若箇替
前賢

五

志在安天下希文出處真廟堂爭去就邊境靖風
塵俎豆名山舊褒崇

聖藻新言游道南後正氣有誰倫

六

停雲聞有館文待詔才子亦名亭唐解元水竹辭徵

辟沈處士枝山薄府庭祝京兆畫圖畱粉白書卷葉

鴉青文苑兼高隱邦人尚典型

七

周諡忠介文諡文肅諸正士清節有同稱名教荷

已久艱危避豈曾顧諡端文高諡忠憲逢後勁楊

諡忠毅烈諡忠毅已先登誰作東林傳應推哲匠能

元和縣志

卷三十一 御製

十四

回鑾至蘇州駐蹕

稽山脩祀罷浙水省方回道便舟重駐春深花盡開

輿情多眷戀我意亦徘徊懷保相關處茲遊益信哉

皇上再南巡御製詩

丁丑春疊舊作韻賜予告侍郎沈德潛

前席何曾隔六春三千里不間踈親星垣帝友豈無

友吳下詩人尚有人咨度瘼情期達隱評量句義欲

祛陳步趨望九雖稱健靈壽聽教手握筠

恭和

御製叠韻賜臣沈德潛詩

沈德潛

淮浦重沾

帝澤春宛如孩幼遇慈親舊叨香案繙書吏今擬桐
江把釣人韻語自

天勤訓誨民艱匝地敢披陳杖朝亦沐

君恩賜奏對還攜五尺筠

恭和

御製叠韻賜沈德潛元韻

彭啟豐

淮浦迎

元和縣志

卷三十一

御製

鑾扈仲春白頭前席倍情親賓筵望重騷壇老

帝座星輝釣瀨人當代詩篇經甲乙一時民瘼詩披

陳生同梓里雲蘿接長伴喬松與翠筠

駐蹕蘇州

乘時展義玉鸞巡蒞止吳城胥水濱春色由來南國
麗民情較比昔年親縱看道左多懽忭寧忘災餘有
饑貧鮮蓋藏還尚華飾此邦要務在還淳

恭和

御製駐蹕蘇州元韻

沈德潛

六載欣逢

聖主巡

玉鑾重駐大川濱無年乍轉豐登象有識羣依怡恃
親風俗近華終少實市廛疑富半憂貧

省方此日殷勤諭望爾居民漸化淳

恭和

御製駐蹕蘇州元韻

錢陳羣

鑾輿兩度協時巡花柳依然媚水濱夾岸謳吟相接
應近船父老更情親既沾

元和縣志

卷三十一

御製

六

恩澤仍沾

幸前歲以南邇歲歉暫停巡典昨年大熟始有詠日
旨吳民望幸之心與望歲之心並殷矣
愛說盈寧不說貧泰伯當年遺德在勤勞要與俗

還淳

恭和

御製駐蹕蘇州元韻

彭啟豐

東南翹首望時巡巖壑星羅震澤濱照徹黃圖宏
憐覆

恩深赤子軟情親觀風欲教三吳儉貸賦來蘇萬戶

貧更飭法廉勤撫字官方澄叙俗歸淳

觀蘇州閭閻之盛不減昔年既以惻懷兼成是

什

旋轉深叨造化功昨春猶疫幸秋豐肉瘡剜補嗟黎
獻滿益損謙切已衷資食資衣厯宵肝任親任近繞
西東羽林護衛會何籍膝下原吾赤子同

恭和

御製觀蘇州閭閻之盛不減昔年既以惻懷兼成是

什元韻

沈德潛

元和縣志

卷三十一

御製

七

從來造化有全功款歲旋看土穀豐沴疫已消逢

藜象闐闐無恙憇

宸衷願占易卦水風井不諱詩篇大小嘉更望管喬

無浚削要令元氣四方同

恭和

御製觀蘇州閭閻之盛不減昔年所以慰懷兼成是

什元韻

錢謙羣

周循屋市課民功城是金閭鄉樂豐鑿井耕田忘

帝力飲和食德淵

皇衷士風枕薜稱江左
估客帆樯下海東
蘭權省方通一水
由來吳會畧相同

恭和

御製觀蘇州閭閻之盛不減昔年
旣以慰懷兼成是

什元韻

彭啟豐

陽和回斡仰

元功萬井依然卜
屢豐櫛比連雲歌愷澤
焚香結綵乘寅衷
星辰拱衛皆來北
河海汪洋盡注東
老幼扶攜趨覲日

元和縣志

卷三十一

御製

六

恩綸疊降後先同

虎邱寺再和東坡韻

定光瞻寶塔拾級登仙嶺
遂徑造其巔下視寓萬井
松濤虎嘯翻竹籟龍吟耿
苟尚頰舌感此必下譴
黽黽點頭聽經輩金矣不復
礦生公本無涉誰云服精猛
髯翁絕世才儒佛場馳騁勝
遊託豪句豈真增踈噉
小坐仰蘇樓綠疇含麥頃爲
祝今餅餌寧忘昔餞冷
人言元氣復我歎哀鴻
永詎同彼子瞻無事但攬景
歸與循山塘羣瞻翠華影
施惠貴及時奚待大吏詩

恭和

御製虎邱寺再和東坡韻

沈德潛

鑿輿出開闢

城名

遙望見平嶺七里經山塘隴市歷井

井入寺登名山氣象何清耿道旁咸屏息無聲靖
灑黽礪水澄鐵花石磴聳蒼礦魚腸藏三寸餘氣
猶精猛從騎整和鸞不敢妄馳騁銀幣

賜老人禮同祝噎噎

駕停小吳軒晏坐彈指頃蒼烟識吳城中多饑與冷

鴻雁安宅之衣食計久永寧羨海湧名賞此紛葩

元和縣志

卷三十一

御製

五

景孟園有圓木泉正得正影

諭爾節鉞臣端本爲民請

恭和

御製虎邱寺再和東坡韻

錢陳羣

春旂指雲岩香輿躋晴嶺迢遞採吳風綿延俯烟
井石路走欹斜原田浮清耿新雨落深池生意矜
蛙黽魚腸躍金精苔紋篆古礦惟餘明月夜一掬
踞虎猛清遠可笑人孤詣獨陵騁至今讀其詩
聲助鳴噎東坡坐東軒悔不置二頃攬古但歎

客懷寄淒冷

宸遊一再過風恬畫初永所欣周道誠豈賦
松逕復徘徊斜暉移堦影礪石紀重來寧
請

恭和

御製虎邱寺再和東坡韻

彭啟豐

登城卽見堦入寺方知嶺下有第三泉不異靈巖
井盤石坐坦平劍峰氣猶耿高頂喧鳥雀平田際
蛙鼃大殿輝黃金清池涵古礦霸氣淬魚腸一

无和縣志

卷三十一

御製

三

雄心猛白虎踞山顛精魄妄馳騁後代仙鬼吟月
夜語淒哽古蹟成埃塵彈指閱俄頃

宸遊彩仗停碧甸烟華冷松杉隨處合天水與俱永
西山攢翠螺列岫散霞景拈韻續東坡留題印清
影回首梅花樓山僧應叩請

山塘策馬

山塘策馬攬山歸淡蕩韶春鞭漫揮烘受朝晴花蕊
綻澗含夜雨麥苗肥日遊日豫所無逸樂水樂山
靜穠更喜吳民還易教直末歌舞較前稀
辛未南
返朴

淳之教三致意焉又明降諭旨地方大吏以此來民間結香亭者率不敢借歌舞之觀是為之心喜

恭和

御製山塘策馬元韻

沈德潛

白隄

馬踏雲歸七里經過鞭一揮花市暖餘紅欲徧春
波漲後綠初肥民歌

德皆真意

喜民風得轉機綺麗屏除闐闐靜豈徒塵事到山

元和縣志

卷三十一 御製

三

稀 上以吳民除演劇燈
絲漸得返朴還淳之意

恭和

御製山塘策馬元韻

錢陳羣

晴郊遊徧薄言歸緩策山塘一指揮麁眼新籬紅
半掩鴨頭春水綠添肥殷勤士女

親提命活潑詩篇繪化機舞榭歌臺前日事紅橋白

馬記依稀 上以吳民從令
不事粉飾極為嘉予

恭和

山塘策馬元韻

彭啟華

七里山塘振策歸芳菲滿目手頻揮堤邊楊柳當
風颭市擔桃花着雨肥化俗因時悖雅尚寧民行
處闡真機金閭萬戶同熙皞再觀旌旂除

曉發蘇州

視河將欲至徐城五日姑蘇便啟行浙省萬民齊望

幸吳川一宿且兼程

是日不駐南斗
圩兼程至嘉興

設緣玩景生留

戀豈是因心凜且明老幼不須攀載道回塗當為小
停旌

恭和

元和縣志

卷三十一 御製

七

御製曉發蘇州元韻

沈德潛

百官千騎發吳城

仙仗迎陽次第行後矚萬家塵起處前期一路鳥飛

程桑陰穠罨雕輪隱湖水空涵綠鷁明紆得由拳

諸父老隄邊額手望

龍旌

恭和

御製曉發蘇州元韻

錢陳羣

迺春五日駐吳城晨發今為浙右行望

幸方欣應迅至

時浙人望幸已數日矣

攀留還說莫兼程

相度心逾切

前一日降

旨回鑾時

那計山塘花

正明為語環遮諸父老算當十日便回旌

遊獅子林

蘇州府城內

早知獅子林傳自倪高士疑其藏幽谷而宛居鬧市

肯構昔無人久屬他氏矣

今為黃姓涉園

手蹟藏石渠不忘

賴有此

石渠寶笈舊藏有獅子林圖為倪高士真蹟

詎可失目前大吏稱

未飾

叶未飾乃本然益當尋履齒假山似真山仙凡

異尺咫松掛千年藤池貯五湖水小亭真一笠矮屋

元和縣志

卷三十一

御製

圭

肩可倚緬五百年前良朋此萃止澆花供佛鉢淪茗

談元髓未擬泉石壽泉石既半毀西望寒泉山趙氏

遺舊址亭臺乃一新高下煥朱紫何幸何不幸誰為

剖其旨似覺凡夫云慚愧雲林子

恭和

御製遊獅子林元韻

沈德潛

昔遊獅子林與偕方外士

詩僧

如遊深林中宛然

離城市五松空巖巔年逾四百矣洞穴地底通遊

者迷彼此傳自荆蠻民

倪元鎮

古樸絕文飾

卅一

從別去後忽忽成暮齒景象付夢寐千里在尺咫
近聞主數移誰問荒邱水辟疆祗空名隅地安足
倚幸有畫卷存

內府歎觀止

內府石渠寶笈藏有倪高士獅子林真跡

淡靜與天游清氣

入肌髓

至尊問吳風林園猶未毀鹵部屏盛儀里巷經故址
春餘躑躅紅雨後莓苔紫地重倪雲林品高趙承
旨從茲藝苑人不薄赫磨子

恭和

元和縣志

卷三十一

御製

書

御製遊獅子林元韻

彭啓豐

屋角藏高峰城隅隱修士香積本安禪幽巖偏近
市昂霄迥不羣玉立觀止矣狻猊狀隆窪窈洞迷
彼此規制嵌玲瓏斲椽去雕飾叶雨餘薜斑斑波
淨石齒齒坦步遠逾尋側視近叶認叶方壺照虛牕
仇池漾碧水吐月樓叶憑含輝几堪翫倪迂此道
遙文友偕戾止圖書貯清閑烟霞入骨髓荏苒四
百年園亭基未毀

宸翰染新題幽棲繪舊址野蔓匝藤蘿春花爛紅紫

邱壑探芳踪風徽參妙旨

天家繚素珍人重雲林子

蘇州啓蹕作

金閭三日畧延留鳳船平湖啟蹕郵惠瀑重期清入
聽靈巖迴望翠凝眸豈無餘意民情戀更有殷憂河
務籌况復秣陵亟僕我便當減從一為遊

恭和

御製蘇州啟蹕作元韻

沈德潛

吳儂遮道願遲留我

元和縣志

卷三十一

御製

三

后仁風速置郵

龍馭已回千里足江干還注萬人眸甫行蠲復

恩重沛

捐積欠後又免
巡幸所過本年地丁

欲奏平成策預籌

時駕將

往徐州平
治水患

虞典時巡應計日卷阿更望詠來遊